



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-376-4/24**
Datum: **21. 08.2024. godine**

„Agencija za vodno područje rijeke Save“ Sarajevo rješavajući po zahtjevu fizičkog lica Alen Čomor, vlasnika OD ALEN, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta za tov brojlera u naselju Odžak, Tarčin, općina Hadžići, na osnovu člana 109. stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Fizičkom licu Alen Čomor, vlasniku OD ALEN, daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta za tov brojlera, izgrađenog na zemljištu označenom kao k.č. broj 1010/2 K.O. Duranovići, naselje Odžak, Tarčin, općina Hadžići.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da se upotreba i korištenje predmetnog objekta za tov pilića vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se u roku važenja ovog rješenja izradi investiciono tehnička dokumentacija predmetnog objekta - Projekat izvedenog stanja za snabdijevanje vodom, prikupljanje i tretman svih otpadnih voda.
 - 3.3. Investiciono-tehnička dokumentacija treba biti urađena i revidovana od strane pravnih lica koja imaju ovlaštenje (lista „A“) pribavljeno od strane Federalnog ministarstva poljoprivrede, vodoprivrede i šumarstva, koja treba da obradi sva pitanja koja su bitna za konkretan slučaj, a naročito:
 - Dati rješenje prikupljanja i dispozicije otpadnih voda od pranja unutrašnjosti objekta za tov brojlera i opreme u objektima sa svim potrebnim analizama, proračunima, tehničkim opisom, grafičkim priložima i detaljima.
 - Dati rješenje snabdijevanja vodom za sanitarne i tehnološke potrebe, te za pranje objekta i opreme kao i sanitarno-fekalne otpadne vode, način prikupljanja i tretmana, sa svim grafičkim priložima i tehničkim opisom.
 - Na osnovu kapaciteta farme i broja turnusa, proračunati količinu tečnog i krutog otpada te obraditi tehničko rješenje za skladištenje istog sa svim potrebnim proračunima, grafičkim priložima i tehničkim opisom.
 - Objekat za prikupljanje tečnog otpada (sabirna/osočna jama) i krutog otpada (laguna/đubrenka) moraju biti izvan uticaja velikih voda, vodonepropusni i dimenzionirani tako da obezbijede zrenje istog prije konačne dispozicije đubriva na poljoprivredne površine kao i da se spriječi nekontrolisano rasipanje tečnog i krutog otpada po okolnom zemljištu.
 - Procjedne vode iz lagune za zbrinjavanje đubriva treba priključiti na sabirnu/osočnu jamu, koja mora biti locirana izvan uticaja velikih voda.
 - Definirati način aplikacije đubriva na poljoprivredne površine (dati plan, količine ...) u skladu sa pravilima dobre poljoprivredne prakse, a u cilju zaštite podzemnih i površinskih voda.

- Na predmetnom lokalitetu nije dozvoljeno indirektno ispuštanje otpadnih voda u podzemne vode ili na tlo ukoliko se prethodno ne izvrše potrebni hidrogeološki istražni radovi te obraditi i potvrditi ispunjenje uslova pod kojim je isto dozvoljeno, a sve u skladu sa članom 16. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20 i 1/24).
 - Projektnom dokumentacijom obuhvatiti i situativno prikazati cjelokupan lokalitet sa objektima, definisati tačan položaj/lokaciju objekata u odnosu na otvorene vodotoke, izvorišta vode za piće i sl.
 - Projektnom dokumentacijom sagledati sve moguće neželjene uticaje kako na planirani objekat, tako planiranog objekta na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno ublažavanje tih uticaja.
- 3.4. Nakon završenog ciklusa tova pilića sa podova objekta „suhim“ putem prikupiti nastali otpad sa piljevinom («prostirka») i odložiti ga u lagunu, gdje će se prirodnim putem izvršiti njegovo «sazrijevanje» i koristiti za prihranjivanje poljoprivrednih površina.
 - 3.5. Da korisnik objekta tehnološke otpadne vode koje nastaju od pranja objekta (nakon «suhog» čišćenja) i opreme (pojlilice, hranilice) nakon svakog turnusa (svakih 42-50 dana), prikupi sistemom kanala sa rešetkom - slivnika i odvede u dvokomornu vodonepropusnu AB septičku jamu, koja je izgrađena bez preliva.
 - 3.6. Čišćenje septičke jame i zbrinjavanje sadržaja iste vršiti od strane ovlaštene firme na osnovu sklopljenog ugovora o čišćenju i zbrinjavanju opasnog otpada - nadležno komunalno preduzeće.
 - 3.7. Da se privremeno i trajno zbrinjavanje otpada od uginulih pilića i drugih nusproizvoda vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
 - 3.8. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
 - 3.9. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada farme, u vodotoke i na obale rijeka.
 - 3.10. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 16. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, korisnik objekta je dužan provoditi sve mjere i aktivnosti propisane istom.
 6. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog objekta obavezan je izvijestiti nadležne organe i postupati po nalogu nadležnih organa, te preduzimati hitne mjere i aktivnosti na sprječavanju širenja onečišćenja i na otklanjanju uzroka onečišćenja.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

9. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
10. Ova vodna dozvola, shodno članu 117. stav (1) Zakona o vodama se daje sa rokom važenja od 1 (jedne) godine, od dana pravosnažnosti ovog rješenja.
11. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
12. Ukoliko nosilac prava iz ove vodne dozvole u vrijeme važenja ove dozvole ne ispuni uslov propisan tačkom 3.2. i 3.3. neće ostvariti mogućnost produženja ove dozvole i zahtjev za izdavanje nove dozvole će mu biti odbijen.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Fizičko lice Alen Čomor, vlasnik OD ALEN iz Tarčina, obratio se ovoj Agenciji sa zahtjevom za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta za tov brojlera, izgrađenog na zemljištu označenom kao k.č. broj 1010/2 K.O. Duranovići, naselje Odžak, Tarčin, općina Hadžići.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija lične karte;
- Ovjerena kopija uvjerenja o poreznoj registraciji, izdatog od strane Federalnog ministarstva finansija, Porezna uprava - Kantonalni ured Sarajevo dana 20.01.2011. godine;
- Ovjerena kopija Uvjerenja o registraciji/upisu u Jedinostveni registar obveznika indirektnih poreza, broj: 04/1-UPJR/1-2641-2/11 od 30.05.2011. godine izdatog od strane Uprave za indirektno-neizravno oporezivanje Banja Luka;
- Kopija Rješenja o odobrenju za osnivanje obrtničke djelatnosti, izdatog od strane Službe za privredu, finansije i inspeksijski nadzor Općine Hadžići, broj: 07-24-4-45/2011 dana 11.01.2011. godine;
- Ovjerena kopija Rešenja o odobrenju za izgradnju farme za tov pilića, donesenog od strane Službe za prostorno uređenje, urbanizam i građenje Općine Hadžići, broj: 07-23-3-4591/2010 dana 07.12.2010. godine;
- Ovjerena kopija sanitarne saglasnosti;
- Ovjerena kopija potvrde da se objekat nalazi na području na kojem je dozvoljeno držanje stoke i o upisu u Registar poljoprivrednih gazdinstava, date od strane Službe za privredu, finansije i inspeksijski nadzor Općine Hadžići, broj: 04-24-2-566/2019 dana 01.02.2019. godine;
- Glavni projekat farme za tov pilića, urađen od strane „Sarakam“ d.o.o. Sarajevo, novembar 2009. godine;
- Dokaz o uplaćenju upravnoj pristojbi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-376-2/24 dana 13.08.2024. godine.

Na osnovu pregleda projektne i druge dokumentacije dostavljene uz zahtjev i izvršenog uviđaja na predmetnom lokalitetu utvrđeno je slijedeće:

Objekat za tov pilića je izgrađen u naselju Odžak, Tarčin, općina Hadžići. Ukupni kapacitet objekta je 10000 brojlera po jednom turnusu. Stajnjak i đubrivo se nakon izvršenog turnusa i čišćenja objekta voze i odlažu na poljoprivredne površine. Otpadne vode od pranja objekta i opreme se prikupljaju putem slivnika sa slivnom rešetkom i kanalizacionom mrežom odvođe u septičku jamu bez preljeva. Snabdijevanje vodom za sanitarne i tehnološke potrebe je obezbijedeno putem priključka na mjesni vodovodni sistem.

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom, u tački 3. dispozitiva ovog Rješenja, propisani uslovi u skladu sa članom 115. do člana 118. Zakona o vodama, i članom 12. i 13. Pravilnika o sadržaju, obliku, uvjetima, načinu izdavanja i čuvanja vodnih akata

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog objekta utvrđene su obaveze u tački 7. dispozitiva ovog Rješenja.

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada farme za tov brojlera, te je riješeno kao u dispozitivu ovog Rješenja.


Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Ruководilac sektora za izdavanje
vodnih akata

Nihad Pezo, dipl.inž.građ.

PRILOG:

- Glavni projekat farme za tov pilića, urađen od strane „SARAKAM“ d.o.o. Sarajevo, novembar 2009. godine;

Dostaviti:

- Alen Čomor, Odžak bb, 71244 Tarčin/Hadžići (sa prilogom)
- ⊙ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava